

си отцем предстоящих, и за своего крещения стадо за Русийскую землю, почезе за вы, сродники своя, молящихся. Сего ради, государи, вам, сродником их, достоин их утешати,— они бо смирение совершиша, быша непротивницы вражде. Сих ради, государи, вам к повинным подобно милосердие простерти и превратити гнев на милость, святии же о сем радующеся бога умолят за вы, яко || за сродник и за благопослушник. Бог же милостив их не презрит, но превратит праведный его гнев на милость и воздаст ти на вся твоя враги одоление. л. 273 об.

Бог же мира да буди с тобою, государем, вовеки.

### О скорби сродник умерших. Глава 5

Бог слово отчее единачный сын, исперва сотворивый вся и человека плотска от земля одушевлена же и словесна, животна и мертвена в землю возвращаема. Веде убо како человек дело руку его оживотворися, веде како умерщвляется. Сам же всему бог творец сый прием же плоть и ипостаси удобственные человека не преложи, но умре, плотское сотворив, яко человек. И како еще умре! Не избра себе всемирная смерти, но страшную и потом божественным совершив еже воскресе самовластно, нам же образ да да последуем стопам его. Сам бо рече о сем: «егда мертвии услышат глас сына божиа и услышавше и оживут».<sup>а</sup> Се же к верным изъявив || Павел рекый: «Аще со Христом умрохом, то с ним и оживем, аще с ним терпим, то с ним и царствуем».<sup>б</sup> И паки рече: «О умерших не скорбите, якоже и прочим не имуще упования. Аще веруем яко Христос умре и воскресе, тако бог и умершая со Исусом приведет их с ним».<sup>в</sup> Сего же и великий Павел, иже до третяго небеси восхищенный не рече о себе, но рекый: «Се бо вам глаголем словесем господним»,<sup>г</sup> еже господь сам рече: «егда мертвии услышат глас сына божиа и услышавше оживут».\* л. 274

О отрочатех. Младенцем же и лехчайши есть смерть, понеже не согреша в мире и ко Христу со дерзновением вопиют: Господи, отъят от нас земная, не лиши нас небесных. Сего ради, государи, не скорбети, но о сих паче бога благодарити, яко без греха поидоша. Помяни убо егда Христа ради младенцы в Вифлеоме избиваемы беху ото Ирода корене же суще Ияковля от жены его Лии. Что же евангелием Лиина плача в Вифлеоме не рече, но рече: «Глас в Раме слышан бысть, Рахиль плачущиися чад своих и не хотяше утешитися, яко не суть».<sup>д</sup> Сиречь яко не пострадаша, не смерти бо ради плача, но того ради яко от ея рожения не приобщися Христа ради умрети.

Паки о всех. Скорбение же о мертвых от еретик саддукейск, иже не чяют воскресения мертвым, сего ради по мертвых и порты черны изменяют на ся, яко чяют конец, тму и естление. Христианом же сие чуждесть, но усопших молити Христа, иже нас ради умре и воскресе, и повинныя ти, государи, усопших ради от скорбей разреши. Бог же усопшая от грех разрешит и помилует в некончаемый век.

Бог же мира да буди с тобою, государем, вовеки.

### О скорби о побиенных на рати или плененых. Глава 6 л. 274 об.

Бог, хотяй милость царю послати и видев еже пред ним от согрешения не очистившася, милость не по правде не сотворит, понеже праведный

<sup>а</sup> Иоанн, V, 25.    <sup>б</sup> 2 Тимоф., II, 11—12.    <sup>в</sup> I Сол., IV, 13—14.    <sup>г</sup> I Сол., IV, 15.    <sup>д</sup> Иоанн, V, 25.    <sup>е</sup> Матф., II, 18.